


Berita Bandaraya

Berita Bandaraya boleh dilayari di www.dbkl.gov.my

DEWAN BANDARAYA KUALA LUMPUR

PINTU MASUK KUALA LUMPUR



Salah satu pintu gerbang di sempadan Kuala Lumpur. Pintu gerbang berbentuk 'wing' di Lebuhraya KL-Seremban (berdekatan Mint Hotel) pada waktu malam- Gambar Berita Bandaraya

Kuala Lumpur merupakan pusat perniagaan dan nadi negara yang menjadi kebanggaan rakyat. Tidak dinafikan rata-rata peniaga dan pelancong-pelancong dari dalam dan luar negara yang datang ke Kuala Lumpur berpuas hati dengan segala yang ada di ibu kota indah ini.

Bagi menyambut kedatangan tetamu ke Kuala Lumpur, tidak kira dari dalam atau luar negara, DBKL telah membina tiga pintu gerbang yang indah dan menarik di sempadan Wilayah Persekutuan Kuala Lumpur (WPKL).

Lokasi-lokasi tersebut ialah di lebuhraya memasuki sempadan WPKL. DBKL telah membina tiga pintu gerbang di tiga pintu masuk ke Kuala Lumpur. Konsep seni-reka ketiga-tiga pintu gerbang bertemakan 'wing', 'way' dan

'floating roof'.

Pintu gerbang bermotifkan 'wing' dibina di Lebuhraya KL-Seremban, berdekatan dengan Hotel Mint. Di Lebuhraya NKVE-Jalan Duta pula bermotifkan wau dan di Jalan Ipoh, berdekatan dengan Pasar Borong bermotifkan 'floating roof'.

Pembinaan pintu-pintu gerbang ini merupakan satu mercu tanda atau 'gateway' ke bandaraya Kuala Lumpur. Ianya juga memainkan peranan sebagai tanda sempadan antara WPKL dan

Selangor Darul Ehsan.

Dengan adanya pintu-pintu gerbang ini, para pengunjung yang memasuki sempadan WPKL terasa mereka disambut dengan penuh mesra untuk berkunjung ke Kuala Lumpur. Pintu Gerbang ini bukan sahaja sekadar hiasan tetapi juga mempaparkan maklumat suhu dan waktu di Kuala Lumpur.

DBKL juga sedang mengkaji akan kesesuaian untuk membina pintu-pintu gerbang di lain-lain lokasi di Kuala Lumpur.

Dari Meja Datuk Bandar



Sejak Disember 2003, seperti biasa, saya telah ditanya apakah senarai hasrat saya bagi tahun ini (2004).

Bagi saya, saya tidak mahu mem-perkatakan tentang azam tahun baru yang hanya dianggap seperti ikutan fesyen. Yang paling penting ialah kita sentiasa pastikan apa yang kita hendak buat dan selesaikan. Untuk tahun 2004, Dewan Bandaraya Kuala Lumpur (DBKL) telah-pun menentukan perkara-perkara yang perlu diselesaikan sehingga hujung tahun.

Hasrat saya yang terpenting ialah semua pegawai dan anggota DBKL mengetahui apakah tanggungjawab mereka dan setiap pekerjaan yang dilakukan mestilah dengan penuh ketegasan dan komitmen demi kesejahteraan semua pihak terutamanya kepada warga kota.

Walau bagaimanapun, saya ingin berkongsi dengan semua orang tentang satu perkara yang diajar oleh guru sekolah rendah saya sewaktu zaman persekolahan. Dia berkata, **"Perkara yang paling mulia kita patut lakukan dalam hidup adalah untuk berkhidmat dan berbuat baik kepada semua orang."** Nasihat ini telah dipahatkan ke dalam minda saya dan diingati sampai bila-bila malah ia telah menjadi panduan dalam mengharungi hidup dan kerjaya saya.

Di sini, saya telah memetik sebuah puisi yang popular dari Johnson Oatman, yang bertajuk **"Only Once You Pass This Way"**.

"Do your best while life's pilgrim way you tread,

*Scatt'ring sunshine while you may,
Bear in mind, while the precious seed you spread,*

Only once you pass this way.

Refrain

*Only once you pass this way,
Only once you pass this way;*

*Be a blessing while you may,
Only once you pass this way.*

*Ev'ry day poor and needy you will find,
Filled with sorrow and dismay;
Do your best while poor, broken hearts to bind,
Only once you pass this way.*

*Be a brave, earnest soldier in the strife,
Through the close of day,
May the world be the better for your life,
Only once you pass this way."*

Akhir sekali saya mengucapkan kepada seluruh umat Islam, **Selamat Menyambut Maal Hijrah 1425.**

TAHUKAH Anda?



Bangunan Sultan Abdul Samad - Gambar Berita Bandaraya


@ Bangunan Sultan Abdul Samad di Jalan Raja, Kuala Lumpur direka oleh seorang arkitek dari London bernama A.C. Norman pada tahun 1897. Rekabentuk luaran dan dalaman bangunan dipengaruhi ciri-ciri bangunan di India, Afrika dan London.






Bangunan Stesen keretapi Tanah Melayu - Gambar Berita Bandaraya

@ A.C. Norman juga merupakan arkitek yang membina Stesen Keretapi Tanah Melayu yang mula dibina pada tahun 1885 dan siap sepenuhnya pada tahun 1911. Dipengaruhi oleh ciri-ciri 'Arabian Night'.

Al-Fatihah



Anggota DBKL
mengucapkan takziah
kepada keluarga Allahyarham
Raja Safian bin Raja Wok
yang telah kembali ke
Rahmahtullah pada
8 Februari 2004.



SEKITAR HARI WILAYAH PERSEKUTUAN KUALA LUMPUR KE-30

